

Lenzburg, ils 02-06-2024

COMMUNICAZIUN A LAS MEDIAS

In final umoristic da LINGUISSIMO a Bellinzona

22 giuvinas e giuvens cun in dun da scriver da l'entira Svizra èn s'inscuntrads il 1. ed ils 2 da zercladur 2024 al final da l'occurrenza da scriver naziunala [LINGUISSIMO](#) a Bellinzona. Lur pensum: scriver e giugar ina scenetta bi-u plurilingua en tandems bilings. Ina giuria quadrilingua ha tschernì las trais scenettas las pli umoristicas e creativas. Sis victuras e victurs dals chantuns FR, SG e VD pon far la stad in viadi cuminaivel en Svizra. LINGUISSIMO vegn organisà dapi il 2008 dal [Forum Helveticum](#).

L'occurrenza da scriver quadrilingua LINGUISSIMO s'adressescha a **giuvenils tranter 16 e 21 onns**, en spezial a classas da scola dal stgalim secundar II. Per sa participar a l'occurrenza han ils giuvenils scrit **due texts en duas differentas linguas naziunalas**. L'emprim text da l'edizien da quest onn ha tractà il tema «Pertge betg?». Il segund text pli curt tematisescha ina experientscha persunala cun linguas estras u la plurilinguitad. Quest onn han passa **200 giuvenils da l'entira Svizra** inoltrà lur texts.

La giuria naziunala ha tschernì 22 giuvenils per il **final** che ha gi lieu il 1. ed ils 2 da zercladur en la **Biblioteca chantunala a Bellinzona** cun il motto «**Fa rir mai!**». Cun **lavoratoris** durant la fin d'emna dal final han Blake Eduardo Carreno (franzos), Sara Francesca Hermann (rumantsch), Jovana Nikic (tudestg) e Noce Nosedà (talian) introducì ils giuvenils en il **mund da l'umor** ed en spezial en il scriver umoristic.

Silsuenter han las participantas ed ils participants **scrit en tandems bilings scenettas bi-u plurilinguas** ch'els han preschentà la dumengia a la giuria ed a las autras participantas ed als auters participants. Igl ha dà blier da rir en las localitads da la Biblioteca chantunala a Bellinzona. La giuria ha gi l'incumbensa pretensiusa da tscherner las trais scenettas las pli legras e creativas. Las victuras ed ils victurs da l'edizien 2024 derivan dals chantuns FR, SG e VD e represchantan ina giuventetgna svizra che vegn inspirada da la cultura linguistic-culturala custaviva da ses pajais. Ellas ed els gudognan in viadi cuminaivel en la Svizra.


LINGUISSIMO vegn realisà dapi il 2008 dal [Forum Helveticum](#), l'organisaziun per la chapientscha linguistica e culturala en Svizra.

Dapli infurmaziuns davart il project chattais Vus sin www.linguissimo.ch.

Persuna da contact: Marine Borel, manadra da project Forum Helveticum, info@linguissimo.ch.

Colliaziun per las medias: <https://linguissimo.ch/ch/medias-2>.

Cun sustegn da:



Dipartimento federale dell'interno DFI
Ufficio federale della cultura UFC

Repubblica e Cantone Ticino
DECS



Città di Bellinzona



biblioteca cantonale
viale s. franscini 30a
ch — 6501 bellinzona
biblioteca cantonale
bellinzona b3toildid
bnoxnilledelbnotno3
⌄